



2. november 2016

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppara:

**EU Canada-llu niuernikkut isumaqatigiissutaat pillugu Naalakkersuisunut apeqquteqaat:**

- 1. EU Canada-llu akunnerminni niuernikkut isumaqatigiissut atsiorneqaqqammersoq (CETA) Kalaallit Nunaat-nut qanoq sunniuteqassava?**
- 2. Naalakkersuisut qanoq suliniuteqarniarpat CETA Kalaallit Nunaat raajanik aalisakkanillu avammut tunisassiorneranut ajortunik kinguneqannginnissaa piniarlugu, Canada-mut unammillernerput aamma eqqarsaatigalugu?**
- 3. Naalakkersuisut qanoq naatsorsuutigaat CETA raajat qalerallilu akiinut sunniuteqarnissaa?**
- 4. Naalakkersuisut pineqartumut attuumiassutilinnik allanik paasissutissiisinnaanerlutik?**  
(Inatsiartunut ilaasortaq Justus Hansen, Demokraatit)

**Tunngavilersuut:**

Maanna ukiakkut ataatsimiinneq 2016 ingerlarngani siunnersuuteqarnikuuvunga EU-mut ilaasortanngoqqinnermut ajoqqutit pitsaaqutillu misissorneqarlutik suliarineqarnissaanut peqqussummik. Siunnersuut eqqartorneqarnissaanut pingaaruteqarluinnalerpoq maannakkut EU Canada-lu niuernikkut isumaqatigiissusioreernerisigut – CETA – naatsorsuutigineqarlunilu nunarsuarmi raajat qaleralliilu akiinut sunniuteqartussanngortumik.

Tamanna tunngavigalugu paaserusunnarsivoq Naalakkersuisut pineqartumut qanoq eqqarsaatersuuteqarnersut.

Misissuisoqarnissaanut siunnersuutiga ajoraluartumik itigartinneqarnissaanut inassuteqarniat amerlanerussuteqarparsinniarput, kisiannili Naalakkersuisut CETA eqqarsaatigalugu arlaatigut eqqummaariffigisaqartariaqarmata.

Akissut ullut qulit suliffiusut iluanni akineaqarnissaa kissaatigineqarpoq.